

十三經註

口仁12
479
5



明 12
統
卷

漢孔安國傳

尚書

芋栗園藏板

尚書序

漢孔安國

謹
有
印

古者伏犧氏之王天下也始畫八卦造書契以代結繩之政由是文籍生焉伏犧神農黃帝之書謂之三墳言大道也少昊顓頊高辛唐虞之書謂之五典言常道也至于夏商周之書雖設教不倫雅誥與義其歸一揆是故歷代寶之以為大訓八卦之說謂之八索求其意也九州之志謂之九邱邱聚也言九州

東

序
八

序

一

音

所有土地所生風氣所宜皆聚此書也春秋左氏傳曰楚左史倚相能讀三墳五典八索九邱卽謂上世帝王遺書也先君孔子生於周末觀史籍之煩文懼覽之者不一遂乃定禮樂明舊章刪詩爲三百篇約史記而修春秋讚易道以黜八索述職方以除九邱討論墳典斷自唐虞以下訖于周芟夷煩亂翦截浮辭舉其宏綱撮其機要足以垂世立教典

謨訓誥誓命之文凡百篇所以恢弘至道示人主以軌範也帝王之制坦然明白可舉而行三千之徒並受其義及秦始皇滅先代典籍焚書坑儒天下學士逃難解散我先人用藏其家書于屋壁漢室龍興開設學校旁求儒雅以闡大猷濟南伏生年過九十失其本經口以傳授裁二十餘篇以其上古之書謂之尚書百篇之義世莫得聞至魯共王好治

宮室壞孔子舊宅以廣其居於壁中得先人所藏古文虞夏商周之書及傳論語孝經皆科斗文字王又升孔子堂聞金石絲竹之音乃不壞宅悉以書還孔氏科斗書廢已久時人無能知者以所聞伏生之書攷論文義定其可知者爲隸古定更以竹簡寫之增多伏生二十五篇伏生又以舜典合於堯典益稷合於皋陶謨盤庚三篇合爲一康王之誥合

於顧命復出此篇并序凡五十九篇爲四十六卷其餘錯亂摩滅弗可復知悉上送官藏之書府以待能者承詔爲五十九篇作傳於是遂研精覃思博考經籍採摭羣言以立訓傳約文申義敷暢厥旨庶幾有補於將來書序序所以爲作者之意昭然義見宜相附近故引之各冠其篇首定五十八篇既畢會國有巫蠱事經籍道息用不復以聞傳子孫孫

尚書
以貽後代若好古博雅君子與我同志亦所
不隱也
稽古樓

尚書卷第一

漢孔安國傳

虞書凡十六篇十一
篇亡五篇見存

堯典言堯可為百
代常行之道

昔在帝堯聰明文思光宅天下將遜于位讓
于虞舜作堯典

光宅天下言聖德之遠著遜遁也老使攝
遂禪之

曰若稽古帝堯曰放勳欽明文思安安允恭

克讓光被四表格于上下放方往反勳許云反被扶義反

若順稽考也能順考古道而行之者帝堯

勳功欽敬也言堯放上世之功化而以敬

明文思之四德安天下之當安者允信克

能光充格至也言既有四德又信恭能讓

故其名聞充溢四外至于天地

克明俊德以親九族九族既睦平章百姓百

姓昭明協和萬邦黎民於變時雍

言堯能尊明俊德之士任用之以睦高祖

立孫之親既已也百姓百官平章百姓言

化九族而平和章明昭亦明也協合黎眾

時是雍和也言天下眾民皆變化從上是

以風俗大和

乃命羲和欽若昊天歷象日月星辰敬授人

時吳胡老反

重黎之後羲氏和氏世掌天地四時之官
 故堯命之使敬順昊天昊天言元氣廣大
 星四方中星辰日月所會歷象其分節敬
 授人時言敬記天時以授人也此舉其目
 下別序之

分命羲仲宅嵎夷曰暘谷寅賓出日平秩東
 作日中星鳥以殷仲春厥民析鳥獸孳尾
嵎音陽 中貞仲反

宅居也東表之地稱嵎夷暘明也日出於
 谷而天下明故稱暘谷暘谷嵎夷一也羲
 仲居治東方之官寅敬賓導秩序也歲起
 於東而始就耕謂之東作東方之官敬導
 出日平均次序東作之事以務農也日中
 謂春分之日鳥南方朱鳥七宿殷正也春
 分之昏鳥星畢見以正仲春之氣節轉以
 推季孟則可知民析言冬寒無事並入室

處春事既起丁壯就功厥其也言其民老

壯分析乳化曰孳交接曰尾

申命義叔宅南交平秩南訛敬致曰永星火

以正仲夏厥民因鳥獸希革訛五和反

申重也南交言夏與春交舉一隅以見之

此居治南方之官訛化也掌夏之官平敘

南方化育之事敬致敬行其教以致其功

四時同之亦舉一隅永長也謂夏至之日

火蒼龍之中星舉中則七星見可知以正

仲夏之氣節季孟亦可知因謂老弱因就

在田之丁壯以助農也夏時鳥獸毛羽希

少改易革改也

分命和仲宅西曰昧谷寅饑納日平秩西成

宵中星虛以殷仲秋厥民夷鳥獸毛毳毳先典反

昧冥也日入於谷而天下冥故曰昧谷昧

谷曰西則嵎夷東可知此居治西方之官

掌秋天之政也餞送也日出言導日入言送平秩西成因事之在秋西方萬物成平序其政助成物宵夜也春言日秋言夜互相備虛玄武之中星亦言七星皆以秋分日見以正三秋夷平也老壯在田與夏平也毳理也毛更生整理

申命和叔宅朔方曰幽都平在朔易曰短星昴以正仲冬厥民隩鳥獸氄毛

隩於六反氄如勇反

北稱朔亦稱方言一方則三方見矣北稱幽則南稱明從可知也都謂所聚也易謂歲改易於北方平均在察其政以順天常上總言羲和敬順昊天此分別仲叔各有所掌日短冬至之日昴白虎之中星亦以七星並見以正冬之三節隩室也民改歲入此室處以辟風寒鳥獸皆生與毳細毛以自溫焉

帝曰咨汝羲暨和朞三百有六旬有六日以
閏月定四時成歲允釐百工庶績咸熙暨其器反

釐力之反

咨嗟暨與也匝四時曰朞一歲十二月月三十日正三百六十日除小月六為六日是為一歲有餘十二日未盈三歲是得一月則置閏焉以定四時之氣節成一歲之歷象允信釐治工官績功咸皆熙廣也言

定四時成歲歷以告時授事則能信治百官眾功皆廣歎其善

帝曰疇咨若時登庸放齊曰胤子朱啓明帝

曰吁嚚訟可乎

疇直由反放方往反胤引信反吁況于反嚚魚巾反

疇誰庸用也言誰能咸熙庶績順是事者將登用之放齊臣名胤國子爵朱名啓開也吁疑怪之辭言不忠信為嚚又好爭訟可乎言不可

尚書

稽古樓

帝曰疇咨若予采驩兜曰都共工方鳩倖功

帝曰吁靜言庸違象恭滔天采七在反驩呼端反兜了侯反

共音恭倖仕簡反滔吐刀反

采事也復求誰能順我事者驩兜臣名都

於歎美之辭共工官稱鳩聚倖見也歎共

工能方方聚見其功靜謀滔漫也言共工

自為謀言起用行事而違背之貌象恭敬

而心傲很若漫天言不可用

帝曰咨四岳湯湯洪水方割蕩蕩懷山襄陵

浩浩滔天下民其咨有能俾乂僉曰於鯀哉

帝曰吁咈哉方命圯族岳曰异哉試可乃已

帝曰往欽哉九載績用弗成湯音傷浩胡老反僉七廉反於

音烏鯀故本反胡直遙反圯皮美反异音異

四岳即上羲和之四子分掌四岳之諸侯

故稱焉湯湯流貌洪大割害也洪水方割

言大水方方為害蕩蕩言水奔突有所滌

尚書堯典

卷一

七

稽古樓

除懷包裹上也懷山襄陵言包山上陵浩
 浩盛大若漫天俾使又治也言民咨嗟憂
 愁病水困苦故堯問四岳有能治者將使
 之僉皆也鯀崇伯之名朝臣舉之凡言呀
 者皆非帝意咈屣圯毀族類也方命圯族
 言鯀性很戾好此方名命而行事輒毀敗
 善類异已也退也异哉試可乃已言餘人
 盡已唯鯀可試無成乃退往欽哉勅鯀往

治水命使敬其事堯知其性很戾圯族未
 明其所能而據眾言可試故遂用之載年
 也九載績用弗成三考九年功用不成則
 放退之

帝曰咨四岳朕在位七十載汝能庸命與朕
 位岳曰否德忝帝位曰明明揚側陋師錫帝
 曰有鰥在下曰虞舜帝曰俞予聞如何岳曰
 瞽子父頑母嚚象傲克諧以孝烝烝乂不格

尚書 稽古樓

姦帝曰我其試哉女子時觀厥刑于二女釐

降二女子于媯汭嬪于虞帝曰欽哉否方久反

俞羊朱反女音遇媯音歸汭如銳反嬪毗人反

堯年十六以唐侯升為天子在位七十年

則時年八十六老將求代異順也庸命異

位言四岳能用帝命故欲使順行帝位之

事否不忝辱也德忝帝位岳辭不堪堯知

子不肖有禪位之志故曰明明揚側陋謂

明舉明人在側陋者廣求賢也師眾錫與

也無妻曰鰥虞氏舜名在下謂在下民之

中眾臣知舜聖賢恥己不若故不舉乃不

獲已而言之俞然也堯然其所舉言我亦

聞之其德行如何無目曰瞽舜父有目不

能分別好惡故時人謂之瞽配字曰瞍瞍

無目之稱心不則德義之經為頑象舜弟

之字傲慢不友言並惡諧和忝進也言能

尚書堯典 卷一 九 稽古樓

以至孝和諧頑嚚昏傲使進進以善自治
 不至於姦惡我其試者言欲試舜觀其行
 迹女妻刑法也堯於是二女妻舜觀其
 法度接二女以治家觀治國降下嬪婦也
 釐降二女言舜為匹夫能以義理下帝女
 之心於所居媯水之汭使行婦道於虞氏
 欽哉堯歎舜能修已行敬以安人則其所
 能者大矣

舜典典之義與堯同

虞舜側微堯聞之聰明將使嗣位歷試諸難
 作舜典

舜為庶人故微賤嗣繼也堯試以治民之
 難事

曰若稽古帝舜曰重華協于帝濬哲文明溫
 恭允塞立德升聞乃命以位濬音浚

曰若稽古史言舜亦順考古道而行之華

謂文德重華言其光文重合于堯俱聖明
濬深哲智也舜有深智文明溫恭之德信
允塞上下玄謂幽潛潛行道德升聞天朝
遂見徵用

慎徽五典五典克從納于百揆百揆時敘賓
于四門四門穆穆納于大麓烈風雷雨弗迷
徽美也五典五常之教父義母慈兄友弟
恭子孝言舜慎美篤行斯道舉八元使布

之於四方五教能從無違命揆度也度百
事總百官納舜於此官舜舉八凱使揆度
百事百事時敘無廢事業穆穆美也四門
四方之門舜流四凶族四方諸侯來朝者
舜賓迎之皆有美德無凶人麓錄也納舜
使大錄萬機之政陰陽和風雨時各以其
節不有迷錯愆伏明舜之德合於天

帝曰格汝舜詢事考言乃言底可績三載汝

陟帝位舜讓于德弗嗣

格來詢謀乃汝底致陟升也堯呼舜曰來汝所謀事我考汝言汝言致可以立功三年矣三載考績故命使升帝位將禪之舜辭讓於德不堪不能嗣成帝位

正月上日受終於文祖

上日朔日也終謂堯終帝位之事文祖者堯文德之祖廟

在璿璣玉衡以齊七政

璿音旒

在察也璿美玉璣衡王者正天文之器可運轉者七政日月五星各異政舜察天文齊七政以審己當天心與否

肆類于上帝禋于六宗望于山川徧于羣神

禋音因

堯不聽舜讓使之攝位舜察天文考齊七政而當天心故行其事肆遂也類謂攝位

事類遂以攝告天及五帝王云上帝天也
 馬云上帝太一神在紫微宮天之最尊者
 精意以享謂之禋宗尊也所尊祭者其祀
 有六謂四時也寒暑也日也月也星也水
 旱也祭亦以攝告九州名山大川五岳四
 瀆之屬皆一時望祭之羣神謂丘陵墳衍
 古之聖賢皆祭之

輯五瑞既月乃日觀四岳羣牧班瑞于羣后

輯斂既盡觀見班還后君也舜斂公侯伯
 子男之瑞圭璧盡以正月中乃日日見四
 岳及九州牧監還五瑞於諸侯與之正始
 歲二月東巡守至于岱宗柴望秩于山川肆
 觀東后協時月正日同律度量衡脩五禮五
 玉三帛二生一死贄如五器卒乃復五月南
 巡守至于南岳如岱禮八月西巡守至于西
 岳如初十有一月朔巡守至于北岳如西禮

歸格于藝祖用特

諸侯為天子守土故稱守巡行之既班瑞
 之明月乃順春東巡岱宗泰山為四岳所
 宗燔柴祭天告至東岳諸侯境內名山大
 川如其秩次望祭之謂五岳牲禮視三公
 四瀆視諸侯其餘視伯子男遂見東方之
 國君合四時之氣節月之大小日之甲乙
 使齊一也律法制及尺丈斛斗斤兩皆均

同脩吉凶賓軍嘉之禮五等諸侯執其玉
 三帛諸侯世子執纁公之孤執玄附庸之
 君執黃二生卿執羔大夫執雁一死士執
 雉玉帛生死所以為贄以見之卒終復還
 也器謂圭璧如五器禮終則還之三帛生
 死則否南岳衡山自東岳南巡五月至西
 岳華山如初謂如岱宗北岳恆山巡守四
 岳然後歸告至文祖之廟藝文也言祖則

考著特一牛

五載一巡守羣后四朝敷奏以言明試以功車服以庸

諸侯各會朝于方岳之下凡四處故曰四朝將說敷奏之事故申言之堯舜同道舜攝則然堯又可知敷陳奏進也諸侯四朝各使陳進治理之言明試其言以要其功功成則賜車服以表顯其能用

肇十有二州封十有二山濬川

肇始也禹治水之後舜分冀州為幽州并州分青州為營州始置十二州封大也每州之名山殊大者以為其州之鎮有流川則深之使通利

象以典刑流宥五刑鞭作官刑扑作教刑金作贖刑眚災肆赦怙終賊刑欽哉欽哉惟刑之恤哉宥音又 眚音省 告音省

象法也法用常刑用不越法宥寬也以流
 放之法寬五刑鞭以為治官事之刑扑榎
 楚也不勤道業則撻之金黃金誤而入刑
 出金以贖罪眚過災害肆緩賊殺也過而
 有害當緩赦之怙姦自終當刑殺之欽哉
 惟刑之恤舜陳典刑之義勅天下使敬之
 憂欲得中

流共工于幽洲放驩兜于崇山竄三苗于三

危殛鯀于羽山四罪而天下咸服

共工象恭滔大足以惑世故流放之幽洲
 北裔水中可居者曰洲驩兜黨於共工罪
 惡同放于崇山南裔三苗國名縉雲氏之
 後為諸侯號饕餮竄于三危西裔鯀方命
 圯族績用不成故殛之殛竄放流皆誅也
 異其文述作之體羽山東裔在海中天下
 皆服舜用刑當其罪故作者先敘典刑而

連引四罪明皆徵用所行於此總見之

二十有八載帝乃殂落百姓如喪考妣三載四海遏密八音

殂落死也堯年十六卽位七十載求禪試舜三載自正月上日至崩二十八載堯死壽一百一十七歲如喪考妣考妣父母言百官感德思慕遏絕密靜也八音金石絲竹匏土革木四夷絕音三年則華夏可知

言堯盛德恩化所及者遠

月正元日舜格于文祖

月正正月元日上日也舜服堯喪三年畢將卽政故復至文祖廟告

詢于四岳闢四門明四目達四聰

詢謀也謀政治於四岳闢闢四方之門未開者廣致眾賢明目達聰廣視聽於四方使天下無壅塞

咨十有二牧曰食哉惟時柔遠能邇惇德允元而難任人蠻夷率服

咨亦謀也所重在於民食惟當敬授民時柔安邇近敦厚也元善之長言當安遠乃能安近厚行德信使足長善任佞難拒也佞人斥遠之則忠信昭於四夷皆相率而來服

舜曰咨四岳有能奮庸熙帝之載使宅百揆

亮采惠疇兪曰伯禹作司空帝曰兪咨禹汝

平水土惟時懋哉禹拜稽首讓于稷契暨皋

陶帝曰兪汝往哉

契音泄陶音遙

奮起庸功載事也舜訪羣臣有能起發其功廣堯之事者言舜曰以別堯亮信惠順也求其人使居百揆之官信立其功順其事者誰乎四岳同辭而對禹代鯀為崇伯入為天子司空治洪水有成功言可用之

舜然其所舉稱禹前功以命之懋勉也惟居是百揆勉行之禹乃讓稷契皋陶時居稷官者棄也契皋陶亦二臣名稽首首至地舜然其所推之賢不許其讓敕使住宅百揆

帝曰棄黎民阻飢汝后稷播時百穀

阻難播布也阻飢謂眾人之難在於飢汝后稷布種是百穀以濟之美其前功以勉

之

帝曰契百姓不親五品不遜汝作司徒敬敷五教在寬

五品謂五常遜順也敷教在寬謂布五常之教務在寬所以得人心亦美其前功

帝曰皋陶蠻夷猾夏寇賊姦宄汝作士五刑有服五服三就五流有宅五宅三居惟明克

允先音軌

猾亂也夏華夏羣行攻劫曰寇殺人曰賊
 在外曰姦在內曰宄言無教所致士理官
 也五刑墨劓剕宮大辟服從也言得輕重
 之中正五服三就既從五刑謂服罪也行
 刑當就三處大罪於原野大夫於朝士於
 市五流有宅謂不忍加刑則流放之若四
 凶者五刑之流各有所居五宅三居謂五
 居之差有三等之居大罪四裔次九州之

外次千里之外明允言臬陶能明信五刑
 施之遠近蠻夷猾夏使咸信服無敢犯者
 因禹讓三臣故歷述之

帝曰疇若予工兪曰垂哉帝曰兪咨垂汝共
 工垂拜稽首讓于父斨暨伯與帝曰兪往哉
 汝諧

汝諧 及音殊斨千 羊反與音餘

帝問誰能順我百工事者朝臣舉垂垂臣
 名帝然其舉命垂共工共工謂供其職事

垂乃拜讓爰斯伯與帝言汝諧謂汝能諧
和此官

帝曰疇若予上下草木鳥獸僉曰益哉帝曰
兪咨益汝作朕虞益拜稽首讓于朱虎熊羆
帝曰兪往哉汝諧

上謂山下謂澤順謂施其政教取之有時
用之有節僉言伯益能之帝命作虞虞掌
山澤之官益乃拜讓朱虎熊羆垂益所讓

四人皆在元凱之中帝命往亦謂汝能和
諧此官

帝曰咨四岳有能典朕三禮僉曰伯夷帝曰
兪咨伯汝作秩宗夙夜惟寅直哉惟清伯拜
稽首讓于夔龍帝曰兪往欽哉夔音達

三禮天地人之禮伯夷臣名姜姓秩序宗
尊也命作秩宗主郊廟之官夙早也惟寅
言早夜敬思其職直清言典禮施政教使

正直而清明伯乃拜讓夔龍帝然其賢不許讓

帝曰夔命汝典樂教胥子直而溫寬而栗剛而無虐簡而無傲詩言志歌永言聲依永律和聲八音克諧無相奪倫神人以和胥直又反

胥長也謂元子以下至卿大夫子弟以歌詩蹈之舞之教長國子中和祇庸孝友教之正直而溫和寬弘而莊栗剛失之虐簡

失之傲教之以防其失詩言志以導之歌咏其義以長其言聲謂五聲宮商角徵羽律謂六律六呂十二月之音氣言當依聲律以和樂倫理也八音能諧理不錯奪則神人咸和命夔使勉之

夔曰於予擊石拊石百獸率舞

石磬也聲音之清者拊亦擊也舉清者和則其餘皆從矣樂感百獸使相率而舞則

神人和可知

帝曰龍朕聖讒說殄行震驚朕師命汝作納言夙夜出納朕命惟允聖疾力反

讒音慙

聖疾殄絕震動也帝言我疾讒說絕君子之行而動驚我眾欲過絕之命作納言喉舌之官凡聽下言納於上受上言宣於下必以信

帝曰咨汝二十有一人欽哉惟時亮天功

禹垂益伯夷夔龍六人新命有職四岳十二牧凡二十二人帝特勅命之欽哉各敬其職惟是乃能信立天下之功

三載考績三考黜陟幽明庶績咸熙分北三苗

三載考績謂三年有成故以考功三考九歲則能否幽明有別黜退其幽者升進其明者庶績咸熙謂考績法明眾功皆廣分

北三苗幽闇君臣善否分北流之不令相從善惡明

舜生三十徵庸三十在位五十載陟方乃死

徵知陵反

徵庸言其如見試用在位歷試二年攝位二十八年方道也舜卽位五十年升道南方巡守死於蒼梧之野而葬焉三十徵庸三十在位服喪三年其一在三十之數爲

天子五十年凡壽百一十二歲

帝釐下土方設居方別生分類作汨作九共

九篇彙餼

言舜理四方諸侯各設其官居其方生姓也別其姓族分其類使相從汨治作興也言其治民之功興故爲汨作之篇亡彙勞也餼賜也凡十一篇皆亡

大禹謨

禹稱大大其功謨謀也

泉陶矢厥謨禹成厥功帝舜申之作大禹皋陶謨益稷

矢陳也陳其成功申重也重美二子之言

大禹謀九功皋陶謀九德與益稷凡三篇

曰若稽古大禹曰文命敷于四海祇承于帝

曰若稽古亦以順考古道而言之言禹外

布文德教命內則敬承堯舜

曰后克艱厥后臣克艱厥臣政乃乂黎民敏

德

敏疾也禹言能知為君難為臣不易則其

政治而眾民皆疾修德

帝曰兪允若茲嘉言罔攸伏野無遺賢萬邦

咸寧稽于眾舍已從人不虐無告不廢困窮

惟帝時克

攸所也善言無所伏舜言必用如此則賢

才在位天下安寧帝謂堯也舜因嘉言無

所伏遂稱堯德以成其義考眾從人矜孤
愍窮凡人所輕聖人所重

益曰都帝德廣運乃聖乃神乃武乃文皇天
眷命奄有四海為天下君

益因舜言又美堯也廣謂所覆者大運謂
所及者遠聖無所不通神妙無方文經天
地武定禍亂眷視奄同也益言堯有此德
故為天所命所以勉舜也

禹曰惠迪吉從逆凶惟影響

迪道也順道吉從逆凶禹言吉凶之報若
影之隨形響之應聲言不虛

益曰吁戒哉傲戒無虞罔失法度罔遊于逸
罔淫于樂任賢勿貳去邪勿疑疑謀勿成百
志惟熙罔違道以干百姓之譽罔拂百姓以
從己之欲無怠無荒四夷來王

樂音洛拂
符勿反

益先吁後戒欲使聽者精其言虞度也無

億度謂無形戒於無形備慎深秉法守度
 言有恆淫過也遊逸過樂敗德之原富貴
 所忽故特以為戒一意任賢果於去邪疑
 則勿行道義所存於心日以廣矣干求也
 失道求名古人賤之咈戾也專欲難成犯
 眾興禍故戒之惟天子常戒慎無怠惰荒
 廢則四夷歸往之

禹曰於帝念哉德惟善政政在養民水火金

木土穀惟修正德利用厚生惟和九功惟敘
 九敘惟歌戒之用休董之用威勸之以九歌

俾勿壞於音鳥

禹歎而言念重其言為政以德則民懷之
 養民之本在先修六府兼正德以率下利
 用以阜財厚生以養民三者和所謂善政
 六府三事之功有次敘皆可歌樂乃德政
 之致休美董督也言善政之道美以戒之

威以督之歌以勸之使政勿壞在此三者而已

帝曰兪地平天成六府三事允治萬世永賴時乃功

治去聲

水土治曰平五行敘曰成舜因禹陳九功而歎美之言是汝之功明眾臣不及

帝曰格汝禹朕宅帝位三十有三載耄期倦于勤汝惟不怠摠朕師

耄莫報反

八十九十日耄百年日期願舜言己年老

厭倦萬機汝不懈怠於位稱摠我眾欲使攝

禹曰朕德罔克民不依皋陶邁種德德乃降黎民懷之帝念哉念茲在茲釋茲在茲名言茲在茲允出茲在茲惟帝念功

邁行種布降下懷歸也禹言己無德民所不能依皋陶布行其德下洽於民民歸服

之茲此釋廢也念此人在此功廢此人在此罪言不可誣名言此事必在此義信出此心亦在此義言皋陶之德以義為主所宜念之

帝曰皋陶惟茲臣庶罔或干予正汝作士明于五刑以弼五教期于予治刑期于無刑民協于中時乃功懋哉

或有也舜謂無有干我正言順命弼輔期

當也歎其能以刑輔教當於治體雖或行刑以殺止殺終無犯者刑期於無所刑民皆合於大中之道是汝之功勉之

皋陶曰帝德罔愆臨下以簡御眾以寬罰弗及嗣賞延于世宥過無大刑故無小罪疑惟輕功疑惟重與其殺不辜寧失不經好生之德洽于民心茲用不犯于有司

愆過也善則歸君人臣之義嗣亦世俱謂

子延及也父子罪不相及而及其賞道德之政過誤所犯雖大必宥不忌故犯雖小必刑刑疑附輕賞疑從重忠厚之至辜罪經常司主也皋陶因帝勉已遂稱帝之德所以明民不犯上也寧失不常之罪不在不辜之善仁愛之道

帝曰俾予從欲以治四方風動惟乃之休

舜言使我從心所欲而政以治民動順上

命若草應風是汝能明刑之美

帝曰來禹降水傲予成允成功惟汝賢克勤于邦克儉于家不自滿假惟汝賢汝惟不矜天下莫與汝爭能汝惟不伐天下莫與汝爭功予懋乃德嘉乃不績天之歷數在汝躬汝終陟元后

水性流下故曰下水傲戒也能成聲教之信成治水之功言禹最賢重美之滿謂盈

實假大也言禹惡衣薄食卑其宮室而盡
力爲民執心謙沖不自盈大自賢曰矜自
功曰伐言禹推善讓人而不失其能不有
其勞而不失其功所以能絕眾人丕大也
歷數謂天道元大也大君天子舜善禹有
治水之大功言天道在汝身汝終當升爲
天子

人心惟危道心惟微惟精惟一允執厥中

舜言危則難安微則難明故戒以精一信
執其中

無稽之言勿聽弗詢之謀勿庸

舜言無考無信驗不詢專獨終必無成故
戒勿聽用

可愛非君可畏非民眾非元后何戴后非眾
罔與守邦欽哉慎乃有位敬修其可願四海
困窮天祿永終惟口出好興戎朕言不再

舜言民以君為命故可愛君失道民叛之
 故可畏蓋眾戴君以自存君恃眾以守國
 相須而立有位天子位可願謂道德之美
 困窮謂天民之無告者言為天子勤此三
 者則天之祿籍長終汝身好謂賞善戒謂
 伐惡言口榮辱之主慮而宣之成於一也
 禹曰枚卜功臣惟吉之從帝曰禹官占惟先
 蔽志昆命于元龜朕志先定詢謀僉同鬼神

其依龜筮協從卜不習吉禹拜稽首固辭帝
 曰毋惟汝諧

枚謂歷卜之而從其吉此禹讓之志帝王
 立卜占之官故曰官占蔽斷昆後也舜言
 官占之法先斷人志後命於元龜言志定
 然後卜習因也言已謀之於心謀及卜筮
 四者合從卜不因吉無所枚卜再辭曰固
 禹再辭舜言毋所以禁其辭禹有大功德

故能諧和元后之任

正月朔旦受命于神宗率百官若帝之初

禹受舜終事之命神宗文祖之宗廟言神尊之因順舜初攝帝位故事奉行之

帝曰咨禹惟時有苗弗率汝徂征禹乃會羣后誓于師曰濟濟有眾咸聽朕命蠢茲有苗昏迷不恭侮慢自賢反道敗德君子在野小人在位民棄不保天降之咎肆予以爾眾士

奉辭伐罪爾尚一乃心力其克有勳蠢尺非反

三苗之民數千王誅率循徂往也不循帝道言亂逆舜命禹討之禹會諸侯共伐有苗軍旅曰誓濟濟眾盛之貌蠢動昏闇也昏迷言其所以宜討之狎侮先王輕慢典教反正道敗德義廢仁賢任姦佞民棄天咎言民叛天灾之肆故也辭謂不恭罪謂侮慢以下事尚庶幾一汝心力以從我命

三旬苗民逆命益贊于禹曰惟德動天無遠弗届滿招損謙受益時乃天道帝初于歷山往于田日號泣于旻天于父母負罪引慝祇載見瞽瞍夔夔齊慄瞽亦允若至誠感神矧兹有苗禹拜昌言曰兪班師振旅帝乃誕敷文德舞干羽于兩階七旬有苗格旻音民誠音成矧音晒

旬十日也以師臨之一月不服責舜不先

有文誥之命威讓之辭而便憚之以威脅之以兵所以生辭贊佐届至也德動遠届益以此義佐禹欲其脩德致遠自滿者人損之自謙者人益之是天之常道仁覆愍下謂之旻天言舜初耕于歷山之時為父母所疾日號泣于旻天及父母克已自責不責於人慝惡載事也夔夔悚懼之貌言舜負罪引惡敬以事見于父悚懼齊莊父

亦信順之言能以志誠感頑父誠和矧況也至和感神況有苗乎言易感昌當也禹以益言為當故拜受而然之遂還師兵入曰振旅言整眾帝以遠人不服大布文德以來之于楯羽翳也皆舞者所執修闡文教舞文舞于賓主階閒抑武事苗格謂討而不服不討自來明御之者必有道三苗之國左洞庭右彭蠡在荒服之列去京師

二千五百里也

皋陶謨

謨謀也皋陶為帝舜謨

曰若稽古皋陶曰允迪厥德謨明弼諧禹曰兪如何皋陶曰都慎厥身修思永惇敘九族庶明勵翼邇可遠在茲禹拜昌言曰兪皋陶曰都在知人在安民禹曰吁威若時惟帝其難之知人則哲能官人安民則惠黎民懷之能哲而惠何憂乎驩兜何遷乎有苗何畏乎

巧言令色孔子

曰若稽古亦順考古道以言之夫典謨聖帝所以立治之本皆師法古道以成不易之則迪蹈厥其也其古人也皋陶言人君當信蹈行古人之德謀廣聰明以輔諧其政禹然其言問所以行都歎美之重也皋陶言慎修其身當思為長久之道誠慎修其身厚次敘九族則眾庶皆明其教而自

勉勵翼戴上命近可推而遠者在此道禹以皋陶言為當故拜受而然之皋陶歎修身親親之道在知人所信任在能安民禹言帝堯亦以知人安民為難故曰吁哲智也無所不知故能官人惠愛也愛則民歸之佞人亂真堯憂其敗政故流放之孔甚也巧言靜言庸違令色象恭滔天禹言有苗驩兜之徒甚佞如此堯畏其亂政故遷

放之

皋陶曰都亦行有九德亦言其人有德乃言
曰載采采禹曰何皋陶曰寬而栗柔而立愿
而恭亂而敬擾而毅直而溫簡而廉剛而塞
彊而義彰厥有常吉哉

皋陶言人性行有九德以考察真偽則可
知載行采事也稱其人有德必言其所行
某事某事以為驗禹問九德品例皋陶言

性寬弘而能莊栗和柔而能立事愨愿而
恭恪亂治也有治而能謹敬擾順也致果
為毅行正直而氣溫和性簡大而有廉隅
剛斷而實塞無所屈撓動必合義彰明吉
善也明九德之常以擇人而官之則政之
善

日宣三德夙夜浚明有家日嚴祇敬六德亮
采有邦翕受敷施九德咸事俊乂在官百僚

師師百工惟時撫于五辰庶績其凝

凝音峻

三德九德之中有其三宣布夙早浚須也
卿大夫稱家皋陶言能日日布行三德早
夜思之須明行之可以為卿大夫有國諸
侯日日嚴敬其身敬行六德以信治政事
則可以為諸侯翕合也能合受三六之德
而用之以布施政教使九德之人皆用事
謂天子如此則俊德能治之士並在官僚

工皆官也師師相師法百官皆是言政無
非凝成也言百官皆撫順五行之時眾功
皆成

無教逸欲有邦兢兢業業一日二日萬幾無
曠庶官天工人其代之

無教逸欲言不為逸豫貪欲之教有邦是
有國者之常兢兢戒慎業業危懼幾微也
兢兢業業幾言當戒懼萬事之微曠空也曠

官位非其人為空官天工人代言人代天
理官不可以天官私非其才

天敘有典勅我五典五惇哉天秩有禮自我
五禮有庸哉同寅協恭和衷哉天命有德五
服五章哉天討有罪五刑五用哉政事懋哉
懋哉衷音中

天敘有典天次敘人之常情各有分義五
典五惇言當勅正我五常之教使合于五

厚厚天下庸常自用也天次秩有禮五禮
有庸言當用我公侯伯子男五等之禮以
接之使有常衷善也寅恭和衷言以五禮
正諸侯使同敬合恭而和善五服天子諸
侯卿大夫士之服也五服五章言尊卑采
章各異所以命有德天以五刑討有罪五
刑五用言用五刑宜必當政事懋哉言敘
典秩禮命德討罪無非天意者故人君居

天官聽政治事不可以不自勉

天聰明自我民聰明天明畏自我民明威達于上下敬哉有土

天自民聰明言天因民而降之福民所歸者天命之天視聽人君之行用民為聰明天自民明威言天明可畏亦用民成其威民所叛者天討之是天明可畏之効達上下言天所賞罰惟善惡所在不避貴賤敬

有土謂有土之君不可不敬懼

皋陶曰朕言惠可底行禹曰兪乃言底可績皋陶曰予未有知思曰贊贊襄哉

言惠可行謂其所陳九德以下之言順於古道可致行禹然其所陳從而美之曰用汝言致可以立功皋陶言我未有所知未能思致於善徒亦贊奏上古行事而言之因禹美之承以謙辭言之序

尚書謨

和言

益稷

禹稱其人
因以名篇

帝曰來禹汝亦昌言禹拜曰都帝予何言予
思日孜孜皋陶曰吁如何禹曰洪水滔天浩
浩懷山襄陵下民昏墊予乘四載隨山刊木
暨益奏庶鮮食予決九川距四海濬畎澮距
川暨稷播奏庶艱食鮮食懋遷有無化居烝
民乃粒萬邦作乂皋陶曰兪師汝昌言

舜因皋陶謨九德故呼禹使亦陳當言禹

拜而歎辭不言欲使帝重皋陶所陳言已
思日孜孜不怠奉承臣功而已皋陶問所
以孜孜之事禹言天下民昏瞽墊溺皆困
水災禹所載者四謂水乘舟陸乘車泥乘
輻山乘橐隨山刊木謂隨行九州之山林
刊槎其木開通道路以治水也奏謂進於
民鳥獸新殺曰鮮益奏鮮食謂與益槎木
獲鳥獸民以進食距至也決川距海決九

尚書益稷卷一

聖言

州名川通之至海畎澮距川一畝之閒廣尺深尺曰畎方百里之閒廣二尋深二仞曰澮澮畎深之至川亦入海艱難也暨稷播奏艱鮮言眾難得食處則與稷教民播種之決川有魚鼈使民鮮食之化易也居謂所宜居積者懋遷化居謂勉勸天下徙有之無魚鹽徙山林木徙川澤交易其所居積米食曰粒民粒作又言天下由此為

治本臬陶言禹功甚當可師法

禹曰都帝慎乃在位帝曰兪禹曰安汝止惟幾惟康其弼直惟動不應徯志以昭受上帝天其申命用休

舜然禹慎位之言受其戒禹言慎在位當先安好惡所止幾康念慮幾微以保其安弼直謂其輔臣必用直人徯待也不應徯志言帝先安所止動則天下大應之順命

以待帝志昭明也昭受上帝申命用休非
但人應之又乃明受天之報施天又重命
用美

帝曰吁臣哉鄰哉鄰哉臣哉禹曰兪

鄰近也臣鄰舜言君臣道近相須而成

帝曰臣作朕股肱耳曰予欲左右有民汝翼
予欲宣力四方汝為予欲觀古人之象日月
星辰山龍華蟲作會宗彝藻火粉米黼黻絺

繡以五采彰施于五色作服汝明予欲聞六

律五聲八音在治忽以出納五言汝聽黼音甫黻音弗

音弗

舜言大體若身臣作股肱耳目左右助也
左右有民汝翼助我所有之民富而教之
汝翼成我宣力汝為言布力立治之功汝
羣臣當為之觀古人象謂欲觀示法象之
服制日月星為三辰華象草華蟲雉也言

欲畫三辰山龍華蟲於衣服旌旗會五采也作會以五采成此畫焉宗彝宗廟彝樽亦以山龍華蟲爲飾藻水草有文者火爲火字粉若粟冰米若聚米黼若斧形黻爲兩己相背葛之精者曰絺五色備曰繡五采彰施作服汝明言天子服日月而下諸侯自龍衮而下至黼黻士服藻火大夫加粉米上得兼下下不得僭上欲以五采明

施于五色作尊卑之服汝明制之六律聲音在治忽言欲以六律和聲音在察天下治理及忽怠者出納五言汝聽又以出納仁義禮智信五德之言施于民以成化汝當聽審之

予違汝弼汝無面從退有後言欽四鄰

我違道汝當以義輔正我無得面從我違而退後有言我不可弼欽四鄰四近前後

左右之臣勅使敬其職

庶頑讒說若不在時侯以明之撻以記之書
用識哉欲並生哉工以納言時而颺之格則
承之庸之否則威之

識音志颺音揚否俯久反

言眾頑愚讒說之人若所行不在於是而
為非者當察之當行射侯之禮以明善惡
之教笞撻不是者使記識其過書識其非
欲使改悔與共並生工樂官當誦詩以納

諫當是正其義而颺道之天下人能至于
道則承用之任以官不從教則以刑威之
禹曰兪哉帝光天之下至于海隅蒼生萬邦
黎獻共惟帝臣惟帝時舉敷納以言明庶以
功車服以庸誰敢不讓敢不敬應帝不時敷
同日奏罔功

禹言光天之下至于海隅蒼蒼然生草木
見所及廣遠獻賢也萬國眾賢共為帝臣

帝舉是而用之使陳布其言明之皆以功
大小為差以車服旌其能用之上惟賢是
用則下皆敬應上命而讓善帝用臣不是
則遠近布同而日進於無功以賢愚並位
優劣共流故

無若丹朱傲惟慢遊是好傲虐是作罔晝夜
額額罔水行舟朋淫于家用殄厥世予創若
時娶于塗山辛壬癸甲啓呱呱而泣予弗子

惟荒度土功弼成五服至于五千州十有二
師外薄四海咸建五長各迪有功苗頑弗卽
工帝其念哉帝曰迪朕德時乃功惟敘皋陶
方祗厥敘方施象刑惟明

額鄂格反
呱音孤

丹朱堯子禹舉以戒之傲戲而為虐無晝
夜常額額肆惡無休息朋羣也丹朱習於
無水陸地行舟言無度羣淫於家妻妾亂
用是殄絕其世不得嗣創懲也塗山國名

禹懲丹朱之惡辛日娶妻至于甲日復往
治水不以私害公啓禹子也禹治水過門
不入聞啓泣聲不暇子名之以大治度水
土之功故五服侯甸綏要荒服也服五百
里四方相距爲方五千里治洪水輔成之
一州用三萬人功九州二十七萬庸薄迫
也言至海諸侯五國立賢者一人爲方伯
謂之五長以相統治以獎帝室九州五長

各蹈爲有功惟二苗頑凶不得就官善惡
分別迪德時乃功敘言天下蹈行我德是
汝治水之功有次序敢不念乎方四方禹
五服旣成故皋陶敬行其九德考績之次
序於四方又施其法刑皆明白史因禹功
重美之

夔曰曼擊鳴球搏拊琴瑟以詠祖考來格虞
賓在位羣后德讓下管鼗鼓合止柷敔笙鏞

尚書

稽古

以閒鳥獸踴躍韶九成鳳皇來儀

戛訖點反

桃祝昌六反

敵偶許反

戛擊祝敵所以作止樂搏拊以韋為之實

之以鞀所以節樂球玉磬此舜廟堂之樂

民悅其化神歆其祀禮備樂和故以祖考

來至明之丹朱為王者後故稱賓言與諸

侯助祭班爵同推先有德管鼗鼓堂下樂

也上下合止樂各有祝敵明球弦鐘籥各

自互見鏞大鐘閒迭也吹笙擊鐘鳥獸化

德相率而舞踴躍然韶舜樂名言簫見細

器之備雄曰鳳雌曰皇靈鳥也儀有容儀

備樂九奏而致鳳皇則餘鳥獸不待九而

率舞

夔曰於予擊石拊石百獸率舞庶尹允諧

尹正也眾正官之長信皆和諧言神人治

始於任賢立政以禮治成以樂所以太平

尚書

稽古樓

帝庸作歌曰勅天之命惟時惟幾乃歌曰股肱喜哉元首起哉百工熙哉皋陶拜手稽首颺言曰念哉率作興事慎乃憲欽哉屢省乃成欽哉乃賡載歌曰元首明哉股肱良哉庶事康哉又歌曰元首叢脞哉股肱惰哉萬事墮哉帝拜曰俞往欽哉

明音芒脞取果反

帝用庶尹允諧之政故作歌以戒安不忘危勅正也奉正天命以臨民惟在順時惟

在慎微元首君也帝乃歌股肱之臣喜樂盡忠君之治功乃起百官之業乃廣大言而疾曰颺皋陶承歌以戒帝憲法也天子率臣下為起治之事當慎汝法度敬其職屢數也當數顧省汝成功敬終以善無懈怠賡續載成也皋陶以帝歌歸美股肱義未足故續歌先君後臣眾事乃安以成其義叢脞細碎無大略又言君如此則臣懈

情萬事墮廢其功不成歌以申戒帝拜受
其歌因戒羣臣自今以往敬其職事哉

尚書卷一終

尚書卷第二

漢孔安國傳

夏書

禹貢禹制九州貢法

禹別九州隨山濬川任土作貢

別九州分其圻界刊其木深其流任其土地所有定其貢賦之差此堯時事而在夏書之首禹之王以是功

尚書禹貢卷二

管古樓

禹敷土隨山刊木奠高山大川

洪水汎溢禹分布治九州之土隨行山林
斬木通道奠定也高山五岳大川四瀆定
其差秩祀禮所視

冀州

堯所都也

既載壺口

先施貢賦役載於書壺口在冀州

治梁及岐

梁岐在雍州從東循山治水而西

既修太原至于岳陽

高平曰太原今以為郡名岳太岳在太原

西南山南曰陽

覃懷底績至于衡漳

覃音談

覃懷近河地名漳水橫流入河從覃懷致
功至橫漳

厥土惟白壤

無塊曰壤水去土復其性色白而壤

厥賦惟上上錯厥田惟中中

賦謂土地所生以供天子上上第一錯雜

雜出第二之賦田之高下肥瘠九州之中

為第五

恆衛既從大陸既作

二水已治從其故道大陸之地已可耕作

島夷皮服

海曲謂之島居島之夷還服其皮明水害

除

夾右碣石入于河

碣石海畔山禹夾行此山之右而入河逆

上此州帝都不說境界以餘州所至則可

知先賦後田亦殊於餘州不言貢篚亦差

於餘州

尚書
濟河惟兗州

東南據濟西北距河

九河既道

河水分為九道在此州界平原以北是

雷夏既澤

雷夏澤名澠沮所會同也

澠沮會同

澠音雍
沮音疽

澠沮二水會同雷夏

桑土既蠶是降丘宅土

地高曰丘大水去民下丘居平土就桑蠶

厥土黑墳厥草惟絲厥木惟條

墳音粉
條音遙

色黑而墳起絲茂條長也

厥田惟中下厥賦貞作十有三載乃同有音又

田第六貞正也州第九賦正與九相當治

水十三年乃有賦法與他州同

厥貢漆絲厥篚織文

尚書禹貢

卷二

四

書五世

和古本

地宜漆林又宜桑蠶織文錦綺之屬盛之
筐篚而貢焉

浮于濟漯達于河漯音沓

順流曰浮濟漯兩水名因水入水曰達

海岱惟青州

東北據海西南距岱

岨夷既略

岨夷地名用功少曰略

濰淄其道濰音惟 淄音支

濰淄二水復其故道

厥土白墳海濱廣斥

濱涯也言復其斥鹵

厥田惟上下厥賦中上

田第三賦第四

厥貢鹽絺海物惟錯岱畎絲枲鉛松怪石棗

夷作牧厥篚檿絲枲音徙 檿音掩

締細葛錯雜非一種畎谷也怪異好石似王者岱山之谷出此五物皆貢之萊夷地名可以放牧屢桑蠶絲中琴瑟弦

浮于汶達于濟

海岱及淮惟徐州

東至海北至岱南及淮

淮沂其乂

沂音宜

二水已治

蒙羽其藝

二山已可種藝

大野既豬

豬音諸

大野澤名水所停曰豬

東原底平

東原致功而平言可耕

厥土赤埴墳草木漸包

土黏曰埴漸進長包叢生

厥田惟上中厥賦中中

田第二賦第五

厥貢惟土五色羽畎夏翟嶧陽孤桐泗濱浮

磬淮夷蠙珠暨魚厥篚玄纁纁音貧

王者封五色土為社建諸侯則各割其方

色土與之使立社燾以黃土苴以白茅茅

取其潔黃取王者覆四方夏翟翟雉名羽

中旌旄羽山之谷有之孤特也嶧山之陽

特生桐中琴瑟泗水涯水中見石可以為

磬蠙珠珠名淮夷二水出蠙珠及美魚玄

黑纁縞白纁纖細也纖在中明二物皆當

細

浮于淮泗達于河

淮海惟揚州

北據淮南距海

彭蠡既豬

禹貢卷二

浩書

彭蠡澤名

陽鳥攸居

隨陽之鳥鴻雁之屬冬月所居於此澤

三江既入

震澤底定

震澤吳南大湖名言三江已入致定為震澤

澤

篠簜既敷厥草惟夭厥木惟喬厥土惟塗泥

篠音小
簜音蕩

篠竹箭簜大竹水去已布生少長曰天喬高也地泉濕

厥田惟下下厥賦下上上錯

田第九賦第七雜出第六

厥貢惟金三品璠璣篠簜齒革羽毛惟木島夷卉服厥篚織貝厥包橘柚錫貢

三品金銀銅也璠璣皆美玉齒象牙革犀

尚書禹貢

卷二

八

書五其

稽古樓

正書

稽古樓

皮羽鳥羽毛旄牛尾木榎梓豫章卉服南海島夷草服葛越織細紵貝水物小曰橘大曰柚其所包裹而致者錫命乃貢言不常

浴于江海達于淮泗

順流而下曰浴浴江入海自海入淮自淮入泗

荆及衡陽惟荊州

北據荆山南及衡山之陽

江漢朝宗于海朝音潮

二水經此州而入海有似於朝百川以海為宗宗尊也

九江孔殷

江於此州界分為九道甚得地勢之中

沱潛既道

沱江別名潛水名皆復其故道

尚書禹貢

卷二

九

卷二

雲土夢作又

雲夢之澤在江南其中有平土丘水去可為東作畎畝之治

厥土惟塗泥厥田惟下中厥賦上下

田第八賦第三人功修

厥貢羽毛齒革惟金三品柶斝栝柏礪砥斝
丹惟箇籥楛三邦底貢厥名包匭菁茅厥篚
玄纁璣組九江納錫大龜礪音利砥音紙斝音弩箇音窘籥音

路楷音戶甌音鬼菁音
罍纁音熏柶勅倫反

羽毛等物土所出與揚州同榦柶也柏葉
松身曰栝砥細於礪皆磨石也斝石中矢
鏃丹朱類箇籥美竹楛中矢榦三物皆出
雲夢之澤近澤三國常致貢之其名天下
稱善包橘柚匭匣也菁以為菹茅以縮酒
厥篚玄纁此州染玄纁色善故貢之璣珠
類生於水組綬類龜尺二寸曰大龜出於

九江水中龜不常用錫命而納之

浮于江沱潛漢逾于洛至于南河

逾越也河在冀州南東流故越洛而至南

河

荆河惟豫州

西南至荆山北距河水

伊洛瀝澗既入于河

伊出陸渾山洛出上洛山澗出沔池山瀝

出河南北山四水合流而入河

滎波既豬

滎澤波水已成過豬

導荷澤被孟豬

荷澤在胡陵孟豬澤名在荷東北水流溢

覆被之

厥土惟壤下土墳壚

高者壤下者墳壚

厥田惟中上厥賦錯上中

和古樓

田第四賦第二又雜出第一

厥貢漆枲絺紵厥篚織纊錫貢磬錯

絺音癡 纊音曠

纊細綿治玉石曰錯磬錯治磬錯

浮于洛達于河

華陽黑水惟梁州

東據華山之南西距黑水

岷嶓既藝

岷山嶓水合流而人可藝

岷山嶓冢皆山名水去已可種藝

沱潛既道

沱潛發源此州入荊州

蔡蒙旅平

蔡蒙二山名祭山曰旅平言治功畢

和夷底績

和夷之地致功可藝

厥土青黎

尚書禹貢

卷二

十一

青黎

尚書 稽古樓

色青黑而沃壤

厥田惟下上厥賦下中三錯

田第七賦第八雜出第七第九三等

厥貢璆鐵銀鏤柞磬熊羆狐狸織皮璆與球同鏤音漏

璆玉名鏤剛鐵熊羆狐狸貢四獸之皮織

金罽

西傾因桓是來浮于潛逾于沔入于渭亂于

河

西傾山名桓水自西傾山南行因桓水是來浮于潛漢上曰沔越沔而北入渭浮東渡河而還帝都白所治正絕流曰亂

黑水西河惟雍州

西距黑水東據河龍門之河在冀州西

弱水既西

導之西流至於合黎

尚書禹貢卷二 十三 崑崙

涇屬渭汭

屬逮也水北曰汭言治涇水入于渭

漆沮既從

漆沮之水已從人渭

澧水攸同

澧水所同同之於渭

荆岐既旅終南惇物至于鳥鼠

荆岐已旅祭言治功畢此荆在岐東非荆

州之荆終南惇物鳥鼠三山名至于言相

望

原隰底績至于豬野

下濕曰隰豬野地名言皆致功

三危既宅三苗丕敘

西裔之山已可居三苗之族大有次敘美

禹之功

厥土惟黃壤

尚書禹貢

卷二

十四

管五基

厥田惟上上厥賦中下

田第一賦第六人功少

厥貢惟球琳琅玕

球琳皆玉名琅玕石而似珠

浮于積石至于龍門西河會于渭汭

積石山在金城西南河所經也沿河順流而北千里而東千里而南龍門山在河東之西界逆流曰會自渭北涯逆水西上

織皮毘嶠析支渠搜西戎卽敘

織皮毛布有此四國在荒服之外流沙之內羌髡之屬皆就次敘美禹之功及戎狄也

導嶧及岐至于荆山逾于河壺口雷首至于太岳底柱析城至于王屋太行恆山至于碣石入于海

更理說所治山川首尾所在治山通水故

尚書 稽古

以山名之岼岐荆三山皆在雍州逾河謂梁山龍門西河壺口雷首太岳三山在冀州太岳上黨西底柱析城王屋三山在冀州南河之北東行太行恆山二山連延東北接碣石而入滄海百川經此眾山禹皆治之不可勝名故以山言之

西傾朱圉鳥鼠至于太華熊耳外方桐柏至于陪尾

在積石以東鳥鼠渭水所出

隴西之西三者雍州之南山鳥鼠至太華相首尾而東熊耳外方桐柏陪尾四山相連東南在豫州界洛經熊耳伊經外方淮出桐柏經陪尾凡此皆先舉所施功之山於上而後條列所治水於下互相備

導嶓冢至于荆山內方至于大別

漾水出嶓冢在梁州經荆山荆山在荊州

尚書禹貢 卷二 十六

內方大別二山名在荊州漢所經

岷山之陽至于衡山過九江至于敷淺原

岷山江所出在梁州衡山江所經在荊州

過九江言衡山連延過九江接敷淺原言

導從首起言陽從南敷淺原一名博陽山

在揚州界

導弱水至于台黎餘波入于流沙

台黎水名 止流沙東弱水餘波西溢入流

沙

導黑水至于三危入于南海

黑水自北而南經三危過梁州入南海

導河積石至于龍門南至于華陰東至于底

柱又東至于孟津東過洛汭至于大伾北過

降水至于大陸又北播為九河同為逆河入

于海

施功發于積石至于龍門或鑿山或穿地

以通流河自龍門南流至華山北至東行
 底柱山名河水分流包山而過山見水中
 若柱然在西虢之界孟津地名在洛北都
 道所湊古今以為津洛汭洛入河處山再
 成曰伾至于大伾而北行降水水名入河
 大陸澤名北分為九河以殺其溢在兗州
 界同合為一大河名逆河而入于渤海皆
 禹所加功故敘之

嶓冢導漾東流為漢又東為滄浪之水過三

澌至于大別南入于江東匯澤為彭蠡東為

北江入于海

滌音誓匯
 灰上聲

泉始出山為漾水東南流為沔水至漢中
 東流為漢水又東滄浪別流在荊州三澌
 水名入漢大別山名南入江者觸山廻南
 入江匯廻也水東廻為彭蠡大澤自彭蠡
 江分為三入震澤遂為北江而入海

尚書 稽古

岷山導江東別為沱又東至于澧過九江至于東陵東池北會于匯東為中江入于海澧音里

江東南流沱東行又東澧澧水名九江江分為九道在荊州東陵地名池溢也東溢分流都共北會為彭蠡東為中江有北有中南可知

導沈水東流為濟入于河溢為滎東出于陶

丘北又東至于河又東北會于汶又北東入

于海沈音衍

泉源為沈流去為濟在温西北平地濟水入河並流十數里而南截河又並流數里溢為滎澤在敖倉東南陶丘丘再成河澤之水濟與汶合北折而東

導淮自桐柏東會于泗沂東入于海

桐柏山在南陽之東淮與泗沂二水合入

尚書禹貢 卷二 十九

海

導渭自鳥鼠同穴東會于澧又東會于涇又

東過漆沮入于河

澧音風

鳥鼠共為雌雄同穴處此山遂名山曰鳥

鼠渭水出焉澧水自南涇水自北而合漆

沮二水名亦曰洛水出馮翊北

導洛自熊耳東北會于澗澗又東會于伊又

東北入于河

熊耳在宜陽之西洛東北會澗澗會于河

南城南又東會伊合於洛陽之南東北入

河又合於鞏之東

九州攸同四隩既宅九山刊旅九川滌源九

澤既陂四海會同

九州同所同事在下四隩宅四方之宅已

可居九州名山已槎木通道而旅祭矣九

州之川已滌除泉源無壅塞矣九州之澤

已破障無決溢矣四海之內會同于京師九州同風萬國共貫

六府孔修庶土交正底慎財賦咸則三壤成賦中邦

水火金木土穀六府甚修治言政化和交俱也眾土俱得其正謂壤墳墟致所慎者財貨貢賦言取之有節不過度則壤成賦皆法壤田上中下大較三品成九州之賦

明水害除

錫土姓祇台德先不距朕行

台我也天子建德因生以賜姓謂有德之人生此地以此地名賜之姓以顯之王者常自以敬我德為先則天下無距違我行

者
五百里甸服百里賦納總二百里納銓三百里納結服四百里粟五百里米

銓音質結與稽同

規方千里之內謂之甸服為天子服治田
夫王城面五百里甸服內之百里近王城
者禾稔曰總入之供飼國馬銍刈謂禾穗
稭稔也服稔役粟米所納精者少麤者多

五百里侯服百里采二百里男邦三百里諸
侯

侯服甸服外之五百里侯侯也斥侯而服
事采訓為事侯服內之百里供王事而已

不主一男任也任王者事三百里同為王
者斥侯故合三為一名

五百里綏服三百里揆文教二百里奮武衛
綏安也侯服外之五百里安服王者之政
教揆度也度王者文教而行之三百里皆
同文教外之二百里奮武衛天子所以安
五百里要服三百里夷二百里蔡

綏服外之五百里要束以文教夷平也守

平常之教事王者而已蔡法也法三百里而差簡

五百里荒服三百里蠻二百里流

荒服要服外之五百里言荒又簡略蠻以文德蠻來之不制以法流移也言政教隨其俗凡五服相距為方五千里

東漸于海西被于流沙朔南暨聲教訖于四海禹錫玄圭告厥成功

漸入也被及也此言五服之外皆與王者聲教而朝見玄天色禹功盡加于四海故堯賜玄圭以彰顯之言天功成

甘誓

甘有扈郊地名將戰先誓

啓與有扈戰于甘之野作甘誓

夏啓嗣禹位伐有扈之罪

大戰于甘乃召六卿

天子六軍其將皆命卿

尚書
王曰嗟六事之人予誓告汝

稽古

六卿各有軍事故曰六事

有扈氏威侮五行怠棄三正天用勦絕其命
今予惟恭行天之罰

勦焦上聲

五行之德王者相承所取法有扈與夏同
姓侍親而不恭是則威虐侮慢五行怠惰
棄廢天地人之正道言亂常用其失道故
勦截也截絕謂滅之恭奉也言欲截絕之

左不攻于左汝不恭命右不攻于右汝不恭
命御非其馬之正汝不恭命

左車左左方主射攻治也治其職右車右
勇力之士執戈矛以退敵御以正馬為政
三者有失皆不奉我命

用命賞于祖弗用命戮于社予則孥戮汝

天子親征必載遷廟之祖主行有功則賞
祖主前示不專天子親征又載社主謂之

社事不用命奔北者則戮之于社主前社主陰陰主殺親祖嚴社之義孳子也非但止汝身辱及汝子言恥累也

五子之歌

啓之五子因以各篇

太康失邦昆弟五人須于洛汭作五子之歌啓子也盤于遊田不恤民事爲羿所逐不得反國太康五弟與其母待太康於洛水之北怨其不反故作歌

太康尸位以逸豫滅厥德黎民咸貳乃盤遊無度畋于有洛之表十旬弗反

尸主也主以尊位爲逸豫不勤君喪其德則眾民皆二心矣盤遊無度盤樂遊逸無法度洛水之表水之南十日曰旬田獵過百日不還

有窮后羿因民弗忍距于河

有窮國名羿諸侯名距太康於河不得入

國遂廢之

厥第五人御其母以從篚于洛之汭五子咸怨述大禹之戒以作歌

御侍也從言從攷篚洛以待太康怨其久攷失國述循也歌以敘怨

其一曰皇祖有訓民可近不可下民惟邦本本固邦寧

皇君也君祖禹有訓戒近謂親之下謂失

分本固邦寧言人君當固民以安國

予視天下愚夫愚婦一能勝予一人三失怨豈在明不見是圖予臨兆民慄乎若朽索之馭六馬為人上者奈何不敬馭音御

視天下一能勝予言能畏敬小民所以得眾心三失過非一也不見是謀備其微十萬曰億十億曰兆言多慄危貌朽腐也腐索馭六馬言危懼甚惟能敬則不驕在上

不驕則高而不危

其二曰訓有之內作色荒外作禽荒甘酒嗜音峻宇彫牆有一于此未或不亡

作爲也迷亂曰荒色女色禽鳥獸甘嗜無

厭足峻高大彫飾畫此六者棄德之君必

有其一有一必亡況兼有乎

其三曰惟彼陶唐有此冀方今失厥道亂其紀綱乃底滅亡

陶唐帝堯氏都冀州統天下四方今失堯

之道亂其法制自致滅亡

其四曰明明我祖萬邦之君有典有則貽厥子孫關石和鈞王府則有荒墜厥緒覆宗絕

祀

君萬國爲天子典謂經籍則法貽遺也言

仁及後世金鐵曰石供民器用通之使和

平則官民足言古制存而太康失其業以

取亡

其五曰嗚呼曷歸予懷之悲萬姓仇予予將
疇依鬱陶乎予心顏厚有忸怩弗慎厥德雖
悔可追忸女六反
怩女夷反

曷何也言思而悲仇怨也言當依誰以復
國乎鬱陶言哀思也顏厚色愧忸怩心慙
慙愧於仁人賢士人君行己不慎其德以
速滅敗雖欲改悔其可追及乎言無益

胤征

奉辭伐
罪曰征

羲和湏淫廢時亂日胤往征之作胤征

羲氏和氏世掌天地四時之官自唐虞至
三代世職不絕承太康之後沈湎於酒過
差非度廢天時亂甲乙胤國之君受王命
往征之

惟仲康肇位四海胤侯命掌六師羲和廢厥
職酒荒于厥邑胤后承王命徂征

尚書胤征

卷二

二

卷二

羿廢太康而立其弟仲康為天子仲康命
胤侯掌王六師為大司馬羲和舍其職官
還其私邑以酒迷亂不修其業徂往也胤
承王命就其私邑往討之

告于眾曰嗟予有眾聖有謨訓明微定保先
王克謹天戒臣人克有常憲百官修輔厥后
惟明明

告于眾誓勅之微證保安也聖人所謀之

教訓為世明證所以定國安家君能慎戒

臣能奉有常法百官修職輔君君臣俱明

每歲孟春道人以木鐸徇于路官師相規工

執藝事以諫其或不恭邦有常刑道慈秋反鐸達角反

道人宣令之官木鐸金鈴木舌所以振文

教官眾眾官更相規闕百工各執其所治

技藝以諫諫失常其或百官廢職服大刑

惟時羲和顛覆厥德沈亂于酒畔官離次傲

擾天紀遐棄厥司乃季秋月朔辰弗集于房
瞽奏鼓嗇夫馳庶人走羲和尸厥官罔聞知
昏迷于天象以干先王之誅政典曰先時者
殺無赦不及時者殺無赦

顛覆言反倒將陳羲和所犯故先舉孟春
之令犯令之誅沈謂醉冥失次位也倣始
擾亂遐遠也紀謂時日司所主也辰日月
所會房所舍之次集合也不合即日食可

知凡日食天子伐鼓於社責上公瞽樂官
樂官進鼓則伐之嗇夫主幣之官馳取幣
禮天神眾人走供救日食之百役也羲和
主其官而無聞知於日食之變異所以罪
重闔錯天象言昏亂之甚干犯也政典夏
后為政之典籍若周官六卿之治典先時
謂歷象之法四時節氣弦望晦朔先天時
則罪死無赦不及謂歷象後天時雖治其

官苟有先後之差則無赦況廢官乎

今予以爾有眾奉將天罰爾眾士同力王室尚弼予欽承天子威命

將行也奉王命行王誅謂殺涵淫之身立其賢子弟弼予欽承以天子威命督其士眾使用命

火炎崑岡玉石俱焚天吏逸德烈于猛火殲厥渠魁脅從罔治舊染汙俗咸與惟新

山脊曰岡崑山出玉言火逸而害玉逸過也天王之吏為過惡之德其傷害天下甚於火之害玉猛火烈矣又烈於火殲滅渠大魁帥也指謂羲和罪人之身其脅從距王師者皆無治其餘人久染汙俗本無惡心皆與更新一無所問

嗚呼威克厥愛允濟愛克厥威允罔功其爾眾士懋戒哉

歎能以威勝所愛則必有成功以愛勝威無以濟眾信無功其當勉以用命戒以辟戮

自契至于成湯八遷湯始居亳從先王居作帝告釐沃

十四世凡八徙國都契父帝嚳都亳湯自商丘遷焉故曰從先王居告來居治沃土二篇皆亡

湯征諸侯葛伯不祀湯始征之作湯征

湯為夏方伯得專征伐葛國伯爵也廢其土地山川及宗廟神祇皆不祀湯始伐之伐始於葛湯征述始征之義也亡

伊尹去亳適夏既醜有夏復歸于亳入自北門乃遇汝鳩汝方作汝鳩汝方

伊尹字氏湯進於桀醜惡其政不能用賢故退還鳩方二人湯之賢臣不期而會曰

遇汝鳩汝方言所以醜夏而還之意二篇
皆亡

尚書卷第二終

